

Orationes Diversae dicendae in Missa ad Istitutum Sacerdotis, cum iis, quae in propriis Missis assignantur, quando non est Festum duplex.

1. Ad poscenda suffragia Sanctorum.



Oratio. Oncède quæsumus omnipotens Deus: ut intercessio sanctæ Dei Genitricis Mariæ, sanctorumque omnium Apostolorum, Martyrum, Confessorum, atque Virginum, et omnium electorum tuorum nos ubique lætificet; ut dum eorum merita recollimus, patrocinia sentiamus. Per Dñm.

Secreta. Oblâtis Dômine placere munèribus: et intercedente beatâ Mariâ semper Virgine cum omnibus Sanctis tuis, a cunctis nos defende periculis. Per Dñm.

Postcommunio. Sûmpsimus Dñe beatæ Mariæ semper Virginis, et omnium Sanctorum tuorum memoriam recolentes, sacramenta cælestia: presta quæsumus; ut quod temporaliter gerimus, æternis gaudiis consequamur. Per Dñm.

2. Alia Oratio ut supra.

Oratio. A cunctis nos quæsumus Dômine mentis et corporis defende periculis: et intercedente beatâ et gloriôsâ sem-

per Virgine Dei Genitrice Mariâ, cum beato Joseph, beatis Apóstolis tuis Petro et Paulo, atque beato N., et omnibus Sanctis, salutem nobis tribue benignus et pacem; ut destructis adversitatibus et erroribus univèrsis, Ecclesiâ tua securâ tibi sérviat libertate. Per eundem Dñm.

In hac Oratione nomina SS. Angelorum et S. Joannis Baptistæ præponuntur sancto Joseph.

Secreta. Exâudi nos Deus salutâris noster: ut per hujus sacramenti virtutem a cunctis nos mentis et corporis hostibus tuearis, grâtiâ tribuens in præsentî, et glóriam in futûro. Per Dñm.

Postcommunio. Mundet et mûniat nos quæsumus Dômine divini sacramenti munus oblâtum: et intercedente beatâ Virgine Dei Genitrice Mariâ, cum beato Joseph, beatis Apóstolis tuis Petro et Paulo, atque beato N., et omnibus Sanctis; a cunctis nos reddat et perversitatibus expiâtos, et adversitatibus expeditos. Per eundem Dñm.

Orationes ad diversa.

[81]

3. Pro omni gradu Ecclesie.

Oratio. Omnipotens sempitèrne Deus, cujus Spiritu totum corpus Ecclesiæ sanctificatur, et regitur: exâudi nos pro univèrsis Ordinibus supplicantis; ut grâtiæ tuæ mûnere, ab omnibus tibi grâdibus fidèlîter serviatur. Per Dñm.

Secreta. Da famulis tuis Dômine indulgentiam peccatorum, consolationem vitæ, gubernationem perpètuan: ut tibi servièntes, ad tuam jûgiter misericordiam pervenire mereantur. Per Dñm.

Postcomm. Libera quæsumus Dñe a peccatis et hostibus famulos tuos tibi supplicantes: ut in sanctâ conversatiõe vivèntes, nullis afficiantur adversis. Per Dñm.

4. Pro Papa, Deus omnium, etc. ut supra pag. [52], et seq.

5. Pro Imperatore.

Oratio. Deus regnorum omnium, et christiani maxime protector Impèrii: da servo tuo Imperatori nostro N. triumpm virtutis tuæ scienter excolere; ut qui tua institutione est princeps, tuo sit semper mûnere potens. Per Dñm.

Si non est coronatus dicitur electo Imperatori.

Secreta. Suscipe Dômine preces et hostias Ecclesiæ tuæ: pro salutè famuli

tui supplicantis: et in protectione fidèlium populorum, antiqua brachii tui operare miracula; ut superatis pacis inimicis, securâ tibi sérviat Christiana libertas. Per Dñm.

Postcommunio. Deus, qui ad prædicandum æterni Regis Evangelium, Romanum Imperium præparasti: prætende famulo tuo Imperatori nostro N. arma cælestia, ut pax Ecclesiæ nulla turbetur tempestate bellorum. Per Dñm.

6. Pro Rege.

Oratio. Quæsumus omnipotens Deus: ut famulus tuus N. Rex noster, qui tua miseratione suscepit regni gubernacula, virtutum etiam omnium percipiat incrementa; quibus decenter ornatus, evitiorum monstra devitare, et ad te, qui via, veritas, et vita es, gratiosus valeat pervenire. Per Dñm.

Secreta. Mûnera Dômine quæsumus oblâta sanctifica: ut et nobis Unigeniti tui corpus et sanguis fiant, et Regi nostro ad obtinendam animæ corporisque salutem, et peragendum injunctum officium, te largiente, usquequaque

proficiant. Per eúmdem Dóminum nostrum.

Postcommunio. Hæc Dómine oblátio salutáris famulum tuum N. Regem nostrú ab ómnibus tueátur advérsis : quatenus et ecclesiásticæ pacis obtineat tranquillitatem; et post hujus témporis decúrsum, ad æternam pervéniat hereditatem. Per Dóminum.

7. Pro Prelatis, et Congregationibus eis commissis.

Oratio. Omnipotens sempitérne Deus, qui facis mirabilia magna solus : præténde super famulos tuos, et super congregatiónes illis commissas, spiritum gratiæ salutáris; et ut in veritate tibi compláceant, perpétuum eis rorem tuæ benedictiõnis infúnde. Per Dóminum.

Secreta. Hóstias Dómine famulórum tuórum placátus inténde : et quas in honórem nóminis tui devóta mente pro eis celebrámus, proficere sibi sentiant ad medélam. Per Dóminum.

Postcommunio. Quos cælesti récreas múnere, perpétuo Dómine comitáre præsidio : et quos fovére non desinis, dignos fieri sempitérna redemptione concéde. Per Dóminum.

8. Pro Congregatione et Familia.

Oratio. Defénde quæsumus Dómine beáta Maria semper Virgine intercedénte, istam ab omni advérsitate familiam : et toto corde tibi prostrátam, ab hóstium propitiis tuere cleménter insidiis. Per Dóminum nostrum J. C.

Secreta. Súscipe quæsumus omnipotens Deus oblatióne nostræ devotiõnis : et per virtútem hujus sacraménti, famulos tuos a cunctis advérsitatibus prótege. Per Dóminum nostrum.

Postcommunio. Sump-tis redemptionis nostræ munéribus : præsta quæsumus miséricors Deus, eórum nobis celebratióne, tuæ protectiõnis contra omnes advérsitates subsidium. Per Dñum.

9. Pro Concordia in congregatione servanda.

Oratio. Deus largitor pacis et amátor caritátis : da famulis tuis veram cum tua voluntate concórdiam; ut ab ómnibus, quæ nos pulsant, tentatiõibus liberémur. Per Dóminum.

Secreta. His sacrificiis Dómine quæsumus concéde placátus : ut qui própriis oráms absolvi delictis, non gravémur extérnis. Per Dóminum.

Postcommunio. Spiritum nobis Dómine tuæ caritátis infúnde : ut quos uno pane cælesti satiasti, tua faciás pietáte concórdes. Per Dñum.

10. Contra persecutores Eccles. *Ecclesia*, etc. p.[58].

11. Contra persecutores et male agentes.

Oratio. Hóstium nostrórum quæsumus Dómine elide supérbiam : et eórum contumáciam dexteræ tuæ virtúte próstérne. Per Dóminum.

Secreta. Hujus Dómine virtúte mystérii, et a própriis mundénur occultis, et ab inimicórum liberémur insidiis. Per Dóminum.

Postcommunio. Protéctor noster ádspice Deus, et ab inimicórum nos defénde periculis : ut omni perturbatióne submóta, liberis tibi méntibus serviámus. Per Dóminum.

12. Pro quacumque necessitate.

Oratio. Deus refúgium nostrum et virtus : adésto piis Ecclesiæ tuæ precibus auctór ipse pietátis, et præsta; ut quod fideliter pétimus, efficaciter consequámur. Per Dóminum.

Secreta. Da miséricors Deus : ut hæc salutáris oblátio et a própriis nos reátibus indesinenter ex-

pédia, et ab ómnibus tueátur advérsis. Per Dóminum.

Postcommunio. Súppimus Dómine sacri dona mystérii, humiliter deprecánte : ut quæ in tui commemoratióne nos fácere præcepisti, in nostræ proficiant infirmitátis auxilium: Qui vivis.

13. Pro quacumque tribulatione.

Oratio. Ne despicias omnipotens Deus pópulum tuum in afflictiónne clamántem : sed propter glóriam nóminis tui, tribulátis succúrre placátus. Per Dóminum.

Secreta. Súscipe Dómine propitiis hóstias, quibus et te placári voluisti, et nobis salutem poténti pietáte restitui. Per Dóminum.

Postcommunio. Tribulationem nostram quæsumus Dómine propitiis respice : et iram tuæ indignatiõnis, quam juste merémur, avérte. Per Dóminum.

14. Tempore famis.

Oratio. Da nobis quæsumus Dómine piæ supplicatiõnis effectum, et famem propitiatus avérte : ut mortálium corda cognóscant, et te indignante, talia flagélla prodire, et te miseránti cessáre. Per Dóminum.

Secreta. Deus, qui humani generis utramque substantiam, presentiam numerum et alimentum vegetas, et renovas sacramento : tribue quesumus; ut eorum et corporibus nostris subsidium non desit, et mentibus. Per Dominum.

Postcommunio. Guberna quesumus Domine temporalibus alimentis : quos dignaris eternis informare mysteriis. Per Dominum.

15. Tempore terræmotus.

Oratio. Omnipotens sempiternus Deus, qui respicis terram, et facis eam tremere : parce mentibus, propitiare supplicibus; ut cujus iram terræ fundamenta concutientem expavimus, clementiam contritiones ejus sanantem jügiter sentiamus. Per Dñum.

Secreta. Deus, qui fundasti terram super stabilitatem suam, suscipe oblationes, et preces populi tui : ac tremantis terræ periculis penitus amotis, divinæ tuæ iracundiæ terrores, in humanæ salutis remedia converte; ut qui de terra sunt, et in terram revertentur, gaudeant se fieri sancta conversatione cælestes. Per Dominum.

Postcommunio. Tuere nos Domine quesumus

tua sancta sumentes : et terram, quam vidimus nostris iniquitatibus tremementem, superno munere firma; ut mortaliū corda cognoscant, et te indignante talia flagella prodire, et te miserante cessare. Per Dominum.

16. Ad petendam pluviam.

Oratio. Deus, in quo vivimus, movemur, et sumus : pluviam nobis tribue congruentem; ut presentibus subsidiis sufficienter adjuti, sempiterna fiducialius appetamus. Per Dominum.

Secreta. Oblatis quesumus Domine placare muneribus : et opportunitatem nobis tribue pluviae sufficientis auxilium. Per Dominum.

Postcommunio. Da nobis quesumus Dñe pluviam salutarem : et aridam terræ faciem fluentis cælestibus dignanter infunde. Per Dominum.

17. Ad postulandam serenitatem.

Oratio. Ad te nos Domine clamantes exaudi : et aeris serenitatem nobis tribue supplicantiibus; ut qui juste pro peccatis nostris affligimur, misericordia tua praveniente, clementiam sentiamus. Per Dñum.

Secreta. Praveniat nos quesumus Domine gra-

tia tua semper et subsequatur : et has oblationes, quas pro peccatis nostris nomini tuo consecrandas deferimus, benignus assume; ut per intercessionem Sanctorum tuorum, cunctis nobis proficiant ad salutem. Per Dominum.

Postcommunio. Quesumus omnipotens Deus clementiam tuam : ut inundantiam coerecas imbriem, et hilaritatem vultus tui nobis impertiri digneris. Per Dñum.

18. Ad repellendas pestes.

Oratio. A domo tua quesumus Domine spiritalis nequitiae repellantur : et aerearum discedat malignitas tempestatum. Per Dñum.

Secreta. Offerimus tibi Domine laudes et munera, pro concessis beneficiis gratias referentes, et pro concedendis semper suppliciter deprecantes. Per Dominum.

Postcommunio. Omnipotens sempiternus Deus, qui nos et castigando sanas, et ignoscendo conservas : praesta supplicibus tuis; ut et tranquillitibus hujus optatae consolationis laetemur, et dono tuae pietatis semper utamur. Per Dominum.

19. Pro peste animalium.

Oratio. Deus, qui laboribus hominum, etiam de mutis animalibus solatia subrogasti : supplices te rogamus; ut sine quibus non alitur humana conditio, nostris facias usibus non perire. Per Dominum nostrum Jesum Christum.

Secreta. Sacrificiis Domine placatus oblatis, opem tuam nostris temporibus clementer impende. Per Dominum.

Postcommunio. Benedictionem tuam Domine populus fidelis accipiat : qua corpore salvetur et mente; et congruam tibi exhibeat servitutem, et propitiationis tuae beneficia semper inveniat. Per Dominum.

20. Pro seipso Sacerdote.

Oratio. Omnipotens et misericors Deus, humilitatis meae preces benignus intende : et me famulum tuum, quem nullis suffragantibus meritis, sed immensa clementiae tuae largitate caelestibus mysteriis servire tribuisti, dignum sacris altaribus fac ministrum; ut quod mea voce deprimitur, tua sanctificatione firmetur. Per Dominum.

Secreta. Hujus Domine virtute sacramenti, pec-

catórum meórum máculas abstérge : et præsta, ut ad exsequéndum injúnci officii ministériú, me tua grátia dignum efficiat. Per Dóminum.

Postcommunio. Omnipotens sempitérne Deus, qui me peccatórem sacris altáribus adstáre voluísti, et sancti nóminis tui laudáre poténtiam : concéde propítius per hujus sacraménti mystérium, meórum mihi véniam peccatórum; ut tuæ majestati digne merear famulári. Per Dóminum.

21. Pro petitione lacrymarum.

Oratio. Omnipotens et mitíssime Deus, qui sitiénti pópulo fontem vivéntis aquæ de petra produxisti : educ de cordis nostri duritia lacrymas compunctiónis; ut peccáta nostra plángere valeámus, remissionémque eórum, te miseránte, mereámur accipere. Per Dóminum.

Secreta. Hanc oblatiónem quæsumus Dómine Deus, quam tuæ majestati pro peccátis nostris offerimus, propítius respice : et produc de óculis nostris lacrymárum flúmína, quibus debita flammárum incéndia valeámus exstinguere. Per Dóminum.

Postcommunio. Grátiam Spiritus sancti Dómine Deus córdibus nostris cleménter infúnde : quæ nos gemitibus lacrymárum efficiat máculas nostrórum dildere peccatórum; atque optátæ nobis, te largiénte, indulgéntiæ præstet effectum. Per Dóminum. in unitate ejúsdem.

22. Pro remissione peccatorum.

Oratio. Deus, qui nullum respúis, sed quantumvis peccántibus, per poeniténtiam pia miseratione placáris : respice propítius ad preces humilitátis nostræ, et illumina corda nostra; ut tua valeámus implere præcepta. Per Dóminum.

Secreta. Præsens sacrificium Dómine quod tibi pro delictis nostris offerimus, sit tibi munus accéptum : et tam vivéntibus, quam defúctis proficiat ad salutem. Per Dóminum.

Postcommunio. Exáudi preces familiæ tuæ omnipotens Deus : et præsta; ut sancta hæc, quæ a te sumpsimus, incorrupta in nobis, te donánte servéntur. Per Dóminum.

23. Pro publice poenitentibus.

Oratio. Omnipotens sempitérne Deus, confi-

téntibus tibi famulis tuis pro tua pietáte reláxa peccáta : ut non ámplius eis nóceat consciéntiæ reátus ad poenam, quam indulgéntia tuæ propitiatiónis prosit ad véniam. Per Dóminum.

Secreta. Præsta quæsumus omnipotens et miséricors Deus : ut hæc salutáris oblatio famulos tuos et a própriis reátibus indesinéter expédiat, et ab ómnibus tuéatur advérsis. Per Dñum.

Postcommunio. Omnipotens et miséricors Deus, qui omnem animam poeniténtem et confiténtem tibi, magis vis emendári, quam perdere : respice super hos famulos tuos; et per hæc sancta sacraménta quæ sumpsimus, avérte ab eis iram indignatiónis tuæ, et omnia eórum peccáta dimitte. Per Dóminum.

24. Pro tentatis et tribulatis.

Oratio. Deus, qui justificas impium, et non vis mortem peccatóris, majestátem tuam suppliciter deprecámur : ut famulos tuos de tua miséricórdia confidéntes, cælesti prótegas benignus auxilio, et assidua protectióne consérves; in unitate ejúsdem, et nullis tentatió-

bus a te separéntur. Per Dóminum nostrum.

Secreta. Hujus quæsumus Dómine virtúte mystérii, et a própriis nos munda delictis, et famulos tuos ab ómnibus absolve peccátis. Per Dóminum.

Postcommunio. Purificent nos quæsumus Dómine sacraménta quæ sumpsimus : et famulos tuos ab omni culpa liberos esse concéde; ut qui consciéntiæ reátu constringúntur, cælestis remédii plenitúdine gloriéntur. Per Dóminum.

25. Ad repellendas malas cogitationes.

Oratio. Omnipotens et mitíssime Deus, respice propítius ad preces nostras : et libera corda nostra de malárum tentatiónis cogitatióni; ut sancti Spiritus dignum fieri habitáculum mereámur. Per Dñum. in unitate ejúsdem.

Secreta. Has tibi Dómine offerimus oblatiónes pro salúte nostra : quatenus ánimas nostras ab immúndis cogitatiónis purges, illasque custodias; et sancti Spiritus grátia illumináre dignéris. Per Dóminum. in unitate ejúsdem.

Postcommunio. Deus, qui illuminas omnem hóminem veniéntem in

hunc mundum : illúmina quæsumus corda nostra grátia tuæ splendóre ; ut digna ac plácita majestáti tuæ cogitare semper, et te sincère diligere valeámus. Per Dñum.

26. Ad postulandam continentiam.

Oratio. Ure igne sancti Spiritus renes nostros, et cor nostrum Dómine : ut tibi casto corpore serviamus, et mundo corde placeámus. Per Dñum. in unitate ejúsdem.

Secreta. Dirúpe Dñe vincula peccatórum nostrórum ; et ut sacrificáre tibi hóstiam laudis absolúta libertáte ac munda mente possimus, retribuere quæ ante tribuisti, et salva nos per indulgéntiam, quos dignatus es salváre per grátiam. Per Dóminum.

Postcommun. Dñe adjutor et protector noster, adjuva nos : et refloreat cor et caro nostra vigóre pudicitia, et castimóniæ novitáte ; ut per hoc sacrificiú, quod tuæ obtúlimus pietáti, ab ómnibus tentationibus emundémur. Per Dóminum.

27. Ad postulandam humilitatem.

Oratio. Deus, qui superbis resistis, et grátiam præstas humilibus : concede nobis veræ humilitátis virtútem, cujus in

se formam fidélibus Unigenitus tuus exhibuit ; ut nunquam indignationé tuam provocémus eláti, sed pótius grátia tuæ capiamus dona subjécti. Per eúndem Dñum.

Secreta. Hæc oblátio Dómine quæsumus veræ nobis humilitátis grátiam obtineat : simulque a cordibus nostris concupiscéntiam carnis et oculórum, atque ambitionem sæculi áuferat : quatenus sóbrie, juste, piéque vivéntes, præmia consequámur ætérna. Per Dóminum nostrum.

Postcommunio. Hujus Dómine sacraménti perceptio, peccatórum nostrórum máculas abstérget : et nos per humilitátis exhibitionem ad cælestia regna perducát. Per Dóminum nostrum.

28. Ad postulandam patientiam.

Oratio. Deus, qui Unigeniti tui patientia, antiqui hostis contrivisti superbiam : da nobis quæsumus, quæ idem pie pro nobis pertulit, digne recólere ; sicque exémplo ejus, nobis adversántia æquanimenter toleráre. Per eúndem Dóminum.

Secreta. Múnera nostræ oblatiónis quæsumus Dñe suscipe placatus ; quæ, ut nobis patientiæ donú largiri digneris, ma-

jestáti tuæ devóta offerimus accióne. Per Dñum.
Postcommunio. Mystéria Dómine sacrosánctia quæ súmpsimus, amissam nobis quæsumus reconcilient grátiam : atque munus patientiæ in illátis ómnibus, semper et ubique protegéndo, impértiant. Per Dñum.

29. Ad postulandam caritatem.

Oratio. Deus, qui diligéntibus te facis cuncta prodésse : da cordibus nostris inviolabilem tuæ caritátis afféctum ; ut desidéria de tua inspiratióne concépta, nulla possint tentatióne mutári. Per Dóminum.

Secreta. Deus, qui nos ad imáginem tuam sacraméntis rénovas et præcéptis : pèrfice gressus nostros in sémitis tuis ; ut caritátis donum, quod fecisti a nobis spectári, per hæc, quæ offerimus sacrificia, facias veraciter apprehénderi. Per Dóminum nostrum.

Postcommunio. Sancti Spiritus grátia quæsumus Dñe corda nostra illúminet : et pèrfecta caritátis dulcedine abundanter reficiat. Per Dñum. in unitate ejúsdem.

30. Pro devotis amicis.

Oratio. Deus, qui caritátis dona per grátiam sancti Spiritus tuórum

fidélium córdibus infudisti : da famulis et famulábis tuis, pro quibus tuam deprecámur cleméntiam, salutem mentis et córporis ; ut te tota virtúte diligant, et quæ tibi plácita sunt, tota dilectiōne perficiant. Per Dóminum. in unitate ejúsdem.

Secreta. Miserere quæsumus Dómine famulis et famulábis tuis, pro quibus hoc sacrificium laudis tuæ offerimus majestáti : ut per hæc sancti supérnae benedictiónis grátiam obtineant, et glóriam ætérnae beatitudinis acquirant. Per Dóminum nostrum.

Postcommunio. Divina libántes mysteria, quæsumus Dómine : ut hæc salutária sacraménta illis proficiant ad prosperitatem et pacem ; pro quorum quarúmque dilectiōne, hæc tuæ obtúlimus majestáti. Per Dóminum nostrum.

31. Pro inimicis.

Oratio. Deus pacis, caritatisque amator et custos : da ómnibus inimicis nostris pacem caritatémque veram, et cunctórum eis remissionem tribue peccatórum ; nosque ab eórum insidiis poténter éripe. Per Dóminum nostrum Jesum Christum.

Secreta. Oblatis quæsumus Dñe placare munéribus : et nos ab inimicis nostris cleménte eripe : eisque indulgéntiam tribue delictórum. Per Dóminum nostrum.

Postcommunio. Hæc nos commúnio Dómine éruat a delictis : et ab inimicórum defendat insidiis. Per Dóminum.

32. Pro constituto in carcere, vel in captivitate.

Oratio. Deus, qui beátum Petrum Apóstolum a vinculis absolútum, illæsum abire fecisti : famuli tui in captivitate posíti vincula absolve; eúmque ipsius méritis illæsum abire concéde. Per Dóminum nostrum.

Secreta. Super has quæsumus Dómine hóstias benedictio copiósa descendat: quæ captivi hujus vincula solvat, et de ejus liberatione nos cito lætificet. Per Dóminum.

Postcommunio. Preces nostras quæsumus Dómine cleménte exáudi : et per hæc sacraménta quæ sumpsimus, famulum tuum a vinculis suæ captivitatis absolve. Per Dóminum nostrum.

33. Pro navigantibus.

Oratio. Deus qui transulisti patres nostros per mare rubrum, et transvexisti eos per aquam nimiam : laudem

tui nóminis decantantes, te suppliciter deprecámur; ut in navi famulos tuos, repúlsis adversitatibus, portu semper optábili, cursuque tranquillo tuearis. Per Dóminum nostrum.

Secreta. Súscipe quæsumus Dñe preces famulórum tuórum, cum oblationibus hostiarum : et eos, pro quibus tua mysteria celebrámus, ab ómnibus defende periculis. Per Dóminum.

Postcommunio. Sanctificáti divino mystério, majestátem tuam Dómine suppliciter deprecámur, et pétimus : ut famulos tuos, quos donis facis cælestibus memorári, per lignum sanctæ Crucis et a peccátis ábstrahas, et a periculis cunctis miserátus eripias. Per Dóminum.

34. Pro salute vivorum.

Oratio. Præteúde Dómine fidélibus tuis dexteram cælestis auxilii : ut te toto corde perquirant; et quæ digne póstulant, consequi mereántur. Per Dóminum.

Secreta. Propitiare Dómine supplicatióibus nostris : et has oblatiões fidélium tuórum, quas tibi pro incolumitate eórum offerimus, benignus assúme : et ut nullius sit irritum vo-

tum, nullius vácuá postulatio, præsta quæsumus; ut quod fidéliter pétimus, efficaciter consequámur. Per Dóminum nostrum.

Postcommunio. Da fidélibus tuis quæsumus Dómine in tua fide et sinceritate constantiam: ut in caritate divina firmáti, nullis tentatióibus ab ejus integritate vellántur. Per Dóminum nostrum.

35. Pro vivis et defunctis.

Oratio. Omnipotens sempitérne Deus, qui vivórum domináris simul et mortuórum, omniumque miseris, quos tuos fide et ópere futuros esse prænoscis : te supplices exorámus; ut pro quibus effúndere preces decrévimus, quosque vel præsens sæculum adhuc in carne rétinet, vel futurum jam exítos corpore suscépit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam

consequántur. Per Dóminum nostrum.

Secreta. Deus, cui soli cógnotus est número electórum in supérna felicitate locándus : tribue quæsumus, ut intercedéntibus ómnibus Sanctis tuis, universórum, quos in oratione commendátos suscepimus, et ómnium fidélium nómina, beátæ prædestinatiónis liber adscripta retineat. Per Dóminum.

Postcommunio. Purificet nos quæsumus omnipotens et miséricors Deus sacraménta quæ sumpsimus : et intercedéntibus ómnibus Sanctis tuis, præsta; ut hoc tuum sacraméntum non sit nobis réatus ad penam, sed intercessio salutáris ad véniam : sit ablutio scelerum, sit fortitúdo fragillum, sit contra ómnia mundi pericula firmaméntum : sit vivórum atque mortuórum fidélium remissio ómnium delictórum. Per Dóminum.

